

歷代畫家詩文集

新刻石室先生丹淵集(三)

臺灣學生書局 印行

新刻石室先生丹淵集
(三)



新刻石室先生丹淵集第三十二卷

文

啟

賀延州經畧待制

右某伏審榮奉制函進陞延閣竊惟建廣內清切之地於此藏真皇制作之文厥初命官最號盛選自匪稱職寧容濫居恭以經畧待制全文武之才洞天人之學嘉言讜論簡沃清衷密畫沉謀震懾醜落爰登禁近之職實副詳求之心某久荷眷存遠形抃躍未由瞻倚徒切傾瞻云云

賀運使學士

術紫通明器宇凝厚優游華貫馳騁重名忠義有先
正之風才謀當廟堂之眷嚮居諫首言聳動於本朝
今總漕權課殊尤於道左

賀成都知府資政

右某伏審換平涼之使節分右屬之戎符夷落騷邊
敢煩於我武朝廷命帥無易於公賢豈惟紆北關宵
衣之憂實以免西州塗地之患列郡仰止聞風驩然
恭惟判府安撫資政宗廟笙鏞明堂柱石高文太冊
蚤冠擢於賢科奧學淵謀久參陪於國論出入更乎
二府休戚繫於一身雖均外官常簡中眷屬坤維之

絕傲有汶嶺之孤城妖寇跳梁重擢遠俗銳兵翦撲
當委宗工即聞區處之行旋見蕩除之報西南所慮
指顧而平某假手偏州隸員屬部限嬰短紱阻拜高
牙某無任引系激切歡飲之至謹奉狀賀謹錄狀上

賀提轉冬至

右某伏以氣應黃宮灰飛緹室義經示卦復其見天
地之心呂令謹時靜以待陰陽之定賢明所獲福祿
其宜伏惟遙使郎中道義深淳文章粹美宜爾付綵
綸之任尚茲持金穀之權行業有聞神靈是佑諒乘
佳節克擁殊祥某限以官守所拘不獲詣前爲壽云

賀利州知郡虞部啟 洋州

右某伏審重膺堂帖榮易藩符顧惟才力之高實協
輿言之允恭以知郡虞部文章俊簡忠孝名家揚歷
仕途宣昭政績出於廊廟之論授以襟喉之邦僉言
得人誰復置議某嚮官漢上已忝隣封今守洋中又
同當道先煩惠教過沐撫謙未遂瞻依徒深企詠云
賀正隣郡知通啟

右某伏念五始端元三朝表正陽和發歲已彰生物
之仁賢德乘辰茂集履詳之吉伏惟某官清淳稟質
見裕凝懷自陞顯仕之塗皆著宜民之績歷夫令序

受此殊休某限寓它藩復拘遠道不獲詣前為壽但
增祝頌之至謹奉狀賀謹錄狀上

賀冬隣郡知通運提勾啟

右某伏以七日有期一陽云復信動於內物由以生
賢德所乘福履增裕恭惟某官立誠中正抱質清淳
才大業隆天相神佑諒涉佳辰之吉必膺繁祉之休
坐遠門闌無任虔祝之至謹奉狀賀

賀正益梓提轉知府啟

右某伏以一氣遞時三陽履旦歲元肇正曆紀惟新
推德為生盡蒙於幽隱儲仁曰福先相於賢明恭惟

其官端在敏文敦厚寬懿挺此秀時之具布為康世

之才

憲獄岸使
神明所佑

司多有仁恕
即界休祥

諒接

清持金穀之種且
賁碩畫下孫輪之

命即

見

諒接

成

都還知府殿邦
刻還帝左右

諒接

天南已著于藩
即膺爰丘之權

府領

劍外之雄
掌禁中之密命

潘最書
舊物當還上

諒接

天之新元必受國

之重詔羣情仰祝比屋同辭某限守遠官阻臨高屏其諸頌詠但此傾翹

賀興元府通判禮上啟

右某伏審攷擇剛辰謁臨美任恭惟慶慰伏以通判秘丞東南秀氣詩禮名家參郡務於蓬山已彰善績貳藩條於漢水猶抑宏才某幸守隣疆遠依巨蔭限

嬰組紱阻造階除卑情無任喜抃之至

賀提轉知倅

某啟元正令序伏惟某官乘此三陽之候倍迎百福之休某限以守符不獲詣左右為賀下情但深祝頌之至云云

賀蓬州楊簽判

某接鸞鵠之羣昔預九霄之侶遽鵷鴻之列今同一道之官至此歷年自知餒倦役於多事殊失音題濠象啟訊之先悅發愧尤之甚敦隆契好度越儕流無似當之不遑深矣某官同年才猷敏邵文藻道華四

世三公遠襲慶源之大一日千里早聞令譽之馳著
籍朝閨僉謀郡幕方在急賢之會即膺舉德之求某
限守藩符阻趨賓闥云

賀東川知府朱少鄉

伏承顯拜恩章出臨藩鎮涓辰布治與衆更新伏惟
慶慰恭以某官德重行方識周才貫聳朝倫之風望
練政理之本原棘位辨名中參九列之峻竹符分寄
外殿一方之雄遲舉化條散爲民福某叨從別乘竊
迹隣邦惟是先廬得依大庇屬居官之有制顧授謁
以無階瞻引旌麾機揺魂幹云云

賀利州王郎中狀

右某近蒙高旌前過敝邑迎候之禮一愧空無睽遠
以來久失裁謝此者伏審榮臨會府盛布寬條吏民
歡呼通路傳播恭惟某官學有本末政知後先比郡
聲稱游揚正甚外臺薦辟施設尤殊卽聞美課之陞
行有褒息之及某限紆守紱阻集賓階引領崇闕云
賀提刑司勲狀

漢中

右某伏審被明廷之詔旨按當道之刑書佳音布聞
羣論欣愜惟是中梁之舊域曾經太守之行春里巷
相驩吏民胥慶矧茲蒙顧之舊益用抃懷之深伏惟

某官博學精醇負才敏給持誠恕厚蒞事通詳藉大
正信之才委以平亭之職提封之下治縣所存某嚮
詣賓階接辭已幸今居使部承教當先日佇郵音前
臨馬首卑情無任云

賀巴州知郡郎中狀

右某伏審宸綸就紉郡組褰帷入境撫几臨民
嚮輟藩條來參漕柄殊尤之績已當考最之書顯要
之涂即應陟明之典云

賀提刑度支轉官啟

右某伏審提刑度支榮膺顯制寵進名曹凡託按臨

之休舉增慶抃之劇矧蒙厚眷實倍常情恭惟某官
器業自將風力蕪茂充中以道炳外其文蚤在妙齡
已著翹然之譽薦躋臚仕衆推卓爾之才上心東來
衆論諧愜右川重委方倚屬於譏疑左省裒遷復延
登於主計用雖未既恩蓋非常即聞奏課之尤當有
任能之召某幸摯美蔭良動懽懷所限佩守符之微
無由趨使節之下引領臺府云

賀趙龍圖上任啟

伏審某官涓選良辰視臨美政居庥者衆竊幸焉深
恭惟某官道貫三儀才周萬變高猷映世亮節端朝

會遇聖神之知躋陞侍從之列蜀所巨鎮益云要藩
上欲用公詔煩爲守旻席如缺玩印而有求鋒車下
臨趨節而先起前是數相一新稚耄之瞻大布慈和
之政隣城仰式它道胥傳伏惟某官資稟端淳才猷
敏邵仕榮揚歷官最殊尤嚮題漢水之輿佳聲未泯
今剖巴江之竹善譽先馳方裂素以通誠忽憑郵而
賜教眷存所厚佩服良深

賀洪雅知縣陳秘丞狀

右某往年南岐榮治之下獲誦雄編去歲東蜀旅郵
之中復傾高論心常景伏迹但睽乖而况處鄉關甚

密之隣預榜籍同升之契故當無遂廢之書簡所恨
有相遠之宦途向者抗牘而屢請小麾幸此蒙恩而
歸守支郡遽承占問之及良荷記存之深某官同年
文章高於衆人誼行比於前輩治一同之地雖乎盡
展驥之才居四徹之山宜矣任和鈗之職即聞美召
行踐華途未遑奉左右以周旋實亦望東南而旋倚
顛勤善養俯慰虔祈何用瞻依用寃悃幅

賀運判都官啟

盛世雄英華門嗣慶蚤奮深湛之學亟深高妙皆從
此塗某茲處未僚自慙冗器日期大用願託巧陶所

限繫題輿之微無由伏齋几之下云

賀正東川朱少卿

一氣遍時三陽履旦歲元肇正曆紀惟新推德爲生
盡蒙於幽隱諸仁曰福先相於賢明恭惟某官端莊
敏文敦愿寬懿挺此秀時之具布爲康世之才猷猗
攸司多存仁恕神明所佑卽俾休祥諒接天之新元
必擁國之厚寵群情仰祝比屋同辭某限守遠官阻
臨高屏其諸頌詠但比傾翹

賀懷安知軍轉官

伏審近蒙均恩榮進中秩伏惟慰慶恭以某官挺質

高爽持才斂明稟規賢門登仕聖世尚屈臨於遠國
即召置於華途此而榮遷漸以要用某幸隣善部阻
拜崇墉春輝正深道味益勝云

回漢州郎中

近奉宸俞就遷州寄遽然拜命惕若兢懷某迺蒙朝
廷假守仁壽謂辭陋至微之郡宜迂踈不肖之人遠
至此時云爲多故文移全集事目交紛行雖躬親處
實迷誤無偃仰棲遲之暇有喧囂仇怨之煩已幸報
成猶虞罪去念將滿歲當趣還朝轉徙有道涂之憂
偈仄餘昏嫁之累敢持愚懇渚扣嚴聰奏牘既行祗